

四庫全書

集部

欽定四庫全書

樊榭山房續集卷四

錢塘厲鶚撰

詩丁

同方西疇閔玉井陸淳川自紗帽洲江行至青
山作

萬頃琉璃一色鋪
天教晴意上殘蘆
乾坤雙眼人將老
風景千年世不殊
建業水從全楚下
佛狸祠近暮山孤

明朝期我蕭齊寺還有金焦腳力無

予於庚戌晚秋游京口三山已十四

笑年

泊龍潭聯句

渡江已一舍

鷄

入港逢三叉樹隱塔突兀

玉井閣華

帆轉

山谿訝鷺影過秋水

鷄

雞聲隔蘆花斜陽半峯色

華

小

泊依人家

鷄

宿攝山渡

沿流望織山亭亭行艫首踈雲冪其巔零落古渡口清

月出復翳風燈照衰柳平生江乘夢三歎未曾有人語
潮生時雞鳴霜落石輾轉候天明披煙偕勝耦

游攝山棲霞寺畱止三宿得詩三首

諸峯圍圓天青蒼不容罅廣塗入香門正殿儼雲架有
懷明徵君高躅久代謝山靈收積雨松風本無價東嶺
鳥道通一一嵌精舍澗泉杖底鳴苔龕石面亞遐哉齊
帝子佛事壯堪詫維時秋冬交黃葉滿衣下似曾識前
生肯負雙不借

初為棲霞宿孤月似畱客裴回出東峯已覺林際白共
坐疎松陰滿地橫畫格山深風早寒諸天去咫尺倚杖
聞微鐘瘦影寫巖石默數清境最迴與下界隔長嘯猿
鳥驚今夕是何夕

朝光蔽深竹陰生西谷西細路僅一線旁有百尺谿巖
岌石相倚其色蒼而黧歲晏水脈斷不見下飲霓高巘
蘚蝕字漫滅二徐題誰為噉名者更鑿青雲梯取道中
峯半俯視衆岫低峯腋松雨來江光忽淒迷詎敢惜霑

溼明晦態不齊策勛木上座絕險相提攜

攝山雜詠十二首

明徵君碑

唐高宗御撰相王府侍書高正臣奉敕書

居士八辭徵異代動帝王侍書筆有神磊落載天章商略拓翠墨用實歸時裝

舍利塢

隋文遺浮圖石函瘞雲嶠下鐫佛涅槃繪事顧陸肖奈何完顏軍缺落付劫燒

品外泉

引杖試靈源暗窺通積雷仰出石蓮花珍池似阿耨我
來爲品題清寒不可漱

千佛嶺

偃松列如幢層累得殊勝二分趾外垂偃樓上危磴初
日照金容高下眩難定

翠微菴

霜風放嚴晴墮葉雨無極隔離禮磬聲不改翠微色揖

客登僧樓轉覺嵐陰逼

中峯澗

蔓壑一枝水遠自中峯吐
隔竹鳴佩環絕憶柳州語
僧房靜夜聞月來風起處

試茶亭

言尋白乳泉臯盧未攜至
不見試茶亭空畱試茶字
猶勝徐十郎山前設茶肆

般若臺

精廬黃葉中間以修筠裹般若本非臺蒲團銷七箇乞
我佛前燈中宵吉祥卧

天開巖

絕徑上屢屨剡削無堅頑一檣橫鳥下南宗著色山高
空指飛鳥遠自將陵還

白鹿泉

泉上有明李言恭篆書三字

澄泓浸山腹天影露半珪傳聞初開日雪色飲伊尼誰
知臨淮侯興與桑苧齊

靳尚祠

楚臣佩茝施林表曾現形自受度師戒不食江魚腥我
非離憂客坦步半山亭

白雲菴

林深老屋斜日落山風大一僧拾橡歸延客聽虛籟爲
憶曾游人迢迢白雲外

謂嶺谷半
查兩君

畱別棲霞寺久林禪師

幽尋不惜路歧遙冷淡家風久寂寥洞上禪燈今再續

山中浴鼓早相招髮分艾色知同歲手指松根話六朝
別後茫茫隔烟水寄書何處附歸樵

師與子同
壬申生

次韻樊榭居士山中畱別

釋界清 久林

白雲紅葉隔城遙日掩禪關卧寂寥苔徑偶因高士
埽幽人不待野僧招欣登峻嶺參千佛笑看蒼松問
六朝此去金陵多勝蹟新詩惠我寄山樵

自棲霞至金陵道中有梁始興王憺安成王秀
吳平忠侯景墓石麒麟墓碑猶存蔣王廟在鍾

山之麓太平門外城下即後湖也得四絕句

巢鳥送客又飛還霜樹參差古路間
偷得定林詩裏景
蹇驢滿意看鍾山

梁朝遺跡未銷磨運去王侯可若何
突兀田間牛礪角
閱人誰似石麟多

甍憩吟鞍拜蔣王雲旗髣髴護重岡
不教廟額仍稱帝
豈爲流聞望子香

薄日殘雲黯欲晡
避人漁艇占枯蒲
城根斷續明流水

不問心知是後湖

登清涼寺

寺爲李後主避暑宮

石城山上寺云是李王宮路折三休至江橫萬里通吳帆如鳥白楚樹入雲紅竟日同吟眺秋衣不耐風

秦淮懷古四首

佳麗江山入暮秋秦淮從古擅風流殘陽半隔烏衣巷綠水斜通白鷺洲事去興平空拜爵天亡歸命不成侯當年大有傷時語一曲清歌在漏舟

回首中原接戰塵，但誇天塹渡無因。
阿誰肯墮新亭淚，有客猶尋舊院春。
會冠蓮臺王學士，名喧桃葉顧夫人。
蛾眉前後皆奇絕，莫怪羣公欠致身。

南都近事鬪妍華，北里妝成勝若耶。
妙妓新裙吟蛺蝶，君王特敕問蝦蟆。
匆匆時節爭鉤黨，草草兵戈散內家。
贏得渡頭殘柳在，瘦腰無力倚風斜。

女牆東畔足流連，只少劉郎好句傳。
長板橋空餘舊月，回光寺古賸寒烟。
荒畦盡種瓢兒菜，樂府新停燕子箋。

聞道樵童閒換酒井中淘得墜金鈿

宿長干寺僧房

閒房晏坐處幽絕到何曾小欲因耽靜清談嬾對僧香
焚石上月墀禮樹間燈此地秋堪餞吟成秋卷棱

歸舟江行望燕子磯作

石勢渾如掠水飛漁罾絕壁掛清暉俯江亭上何人坐
看我扁舟望翠微

洪熙古刺水歌同全謝山作

銅罐上刻云洪熙
元年熬造古刺水

一罐淨重八

兩罐重三觔

哀牢九隆漢所開唐代六詔爭喧阗王斧畫河段氏立
阿謚殉節梁王摧濠梁真人設郡縣炎徼西南俱革面

分司古刺始羈縻

永樂四年大古刺土酋潑地那浪入貢立宣慰司又立小古刺長官司

貢琛莽怕旋來見

洪熙元年底馬撒宣慰司署古刺司妹壻跌倒莽怕入貢取寶船

回恤遠夷萬方輻輳仁宗時此香不減芬陀味此水應
超蘇合池甲煎百和花盈缶六一泥封篝火後斑衣染
麝鑪耳首珠絡挈餅馬郎婦熬成細字鐫青銅進入春

風生六宮一灑羅衣長不滅氤氲願與君恩終可憐債
帥如香尉購得朱門媚權貴分宜遺臭塞兩儀當時壓
倒龍涎氣

籍沒嚴氏有洪熙宣
德古刺水十三罐

枕頂餘芳世廟修御衣

小炷純皇畱南都譜記春橋顧勛戚方傳恭順侯華胥
舊事無人識流落江南并江北金仙鉛淚一函中夢破
香銷彈不得

浮山禹廟觀山海經塑像三十韻

淮海皆平壤隆然片石支中央居混沌明德鎮阡危不

共羅山合還同息壤遺媼神唐日觀江水漢家祠永永
尊文命湯湯罷怨次徽形猶帶瘦高棟反如卑柏翳祿
虛寢狂章侍玉墀風雲生恍惚土木出恢奇憶昔鴻荒
遠寧安婦子熙神姦渾不辨人獸互相欺枯步窮乾奧
方祇駭地維蛇操何蚘蝼鼃并更躩踞林出刑天舞巖
藏貳負尸應龍飛有翼精衛溺堪悲博物推中壘傳芭
望少姨兒坪終古詫母石至今垂經可百蟲證功堪四
載追解裳嗤適裸鑄鼎訝逢魑定括河圖象徒聞太史

疑規摹非近事指點立多時六月當初降千村走禱祈
笙鏞應間作巫覡尚謳思瓜蔓前年決魚頭萬室爲空
紆謁者策屢費大農資呵壁吾將問騫茭且補痕牙鬚
雄此輩祕怪孰攸司落照明低塔寒飈響女婢惠之前
有塑靖節後無詩沃野居難卜丹邱到未遲如聽赤絛
使歷歷話幽姿

集方環山齋題明寧獻王畫

寒齋延明曦壁訝數峯接其下松檜陰鬬水穿石摺巖

扉中有人停琴展幽牒侍立雙玉童衫袖空翠裛我疑
盧鴻一期仙磴可躡諦觀出寧藩珍重墨林笈高皇十
七子龍種何蹀躞晚年慕沖舉自抑金川捷倖非七國
敗思與八公揖此圖寓意耳深蘿神隱愜渾如匡廬雲
尚裊草堂頰太息南昌城空宮填落葉

金陵移梅歌爲嶰谷半查賦

小玲瓏山館隙地高高下下多種梅主人性癖愛奇古
更令遠訪江之隈蔣陵氣暖首靈谷花匠家多住鳳臺

根蟠數世仍護塏萼點十月先含胚殷勤揀取六七本
乘濤東下將春回江神豈是妬花者魚龍鼓鬣揚其頰
封姨拗怒得無恙園丁上番工移栽南枝記取解束縛
凡卉見之皆輿僮清泉百道足生意微陽潛伏扶新荑
西疇居士稱好事行廚招客銜深杯酒闌客起寒月上
疎影一一堪疑猜挨石翳髻鎖水怪循牆屈曲藏凍虺
預想他時雪滿眼髣髴此際香橫苔不須健步煩杜老
芳心更用狂吟催

冬日同人游廣陵北郊作

出郭少塵事短晷殊清嘉輕冰犯孤艇敗柳何髣髴捨
之度蜀岡一徑縈修蛇環溪有小築宛似甫里家不放
能言鴨但種凌風花新春飽香稻餘力窮幽遐偕行陶
謝手畫意看盤車人影殘陽裏輾輓誰能遮紆回堡城
曲高下新塘窪往者李鐵槍於此紛攫拏臨安運未畢
紅襖歸泥沙晚入鐵佛寺竹間見餘霞老僧指廢殿猶
以楊吳誇英雄三十六寂莫盤昏鴉何況墟墓間陳人

去如茫茫識誰氏既朽同浮苴吾儕稱達者野飲興
倍加吟作隨意詩醉墨風中斜

十一月十三日廣陵紀事戲答諸同人作二首

豈是風懷尚未衰鬢絲禪榻已心灰恐教人種年來失
又遣香車客裏催名士肯分閒館貯

謂懈谷半查

詞流許借

聘錢來

謂恬齋西疇南圻漁川

居然添得詩家事不比金釵二十

枚

用南史周盤龍事

廿年書劒兩無成贏得江淮作達名盛德何傷笑安石

閒情不礙賦淵明占香夢驗消寒夜爲客心酬舊雨聲
歸到故園春正早玉梅花映綺窓橫

緯畧引夢書云夢得香物婦人歸也

邗溝廟

邗溟一道到江迴遺構何年亦壯哉越國已將藏甲賀
晉人曾見好冠來祭餘稻蟹猶風俗夢斷梧桐有劫灰
枕堦早知從直諫中原牛耳得追陪

題汪旭瞻蘆溪書隱圖

以下
甲子

汪子有書癖長懷萬古情與人殊嗜好無地著功名老

屋碧蘆繞故溪春水平青燈耿遙夜鄉夢畫中生

試燈前一日同人集趙谷林小山堂觀流求國

官工松元泰新刻墨譜用山谷松扇韻

疎梅刺簷蠹撲紙潑潑春杯歲相似酒半娛賓更絕奇

一帙歡斯副墨子佛帳煤新翠餅寒是中望若三神山

我疑徐市逸書本只在東溟支島間

流求去日本甚近故用歐公日本刀

詩意

元夕雨中集吳敦復餅花齋分得何字

佳節怱怱倭指過故人有約共婆娑杯中酒勸迂辛似

席上詩如小庾何

唐人有上元夜
效小庾體詩

聽雨簾櫳燈影颭衝

泥巷陌屐聲多翻思舊日經行處看徧交枝萬眼羅

首春連雨兼旬借閱谷林新購宋槧僧智圓閒

居編用前韻

緊薄無痕知宋紙高人獲之球壁似開槭處處見西湖
瑪瑙院僧中庸子閒泉幽徑蹟荒寒湖波依舊繞孤山
春來懊惱連天雨開落梅花溼翠間

初晴曉行湖上

一年難得是春晴落盡梅花始出城
半白烟橫山淡冶初黃柳照水空明
自披絮帽寒猶峭纔上籃輿趣便生
底事不教浮艇去尋僧又過亂泉行

春夜訪巨公於雲林宿面壁軒

昨與林僧有夙期明燈定板話移時
重修靈隱千年志更續西湖八社詩
鐘學龍吟春磬響松和猿梵夜堂知
漸看海色梅梢上消受輕寒拜本師

明嘉靖間西湖有詩社八曰紫陽社

曰湖心社曰玉岑社曰玉巖社曰南屏社曰紫雲社曰洞霄社曰飛來社社友祝九山時泰高穎湖應冕王十岳寅劉望湖子伯方十洲九叙
童南衡漢臣沈青門仕分主之

二月三日同少穆竹田諸君集湖上題酒樓壁

湖上羣山列畫屏探芳齊上上船亭春光更比去年早
詩鬢不如前日青正滿水應爭淡蕩未開花似惜飄零
魚羹宋嫂猶遺俗何事尊中限醉醒

次韻堇浦春日書懷四首

里社追游每拍肩投簪又是入新年移家幸有琴書共

卜築欣看樹石連不守庚申緣道在偶占甲子得春偏
始知上界多官府今向人間見斥仙

六街堀堞夢纔醒草色何妨滿戶庭洛下憶曾修禊事
淹中悵未了遺經當簾山月鈎簾見傍枕春潮轉枕聽
此是城南招隱處新詩暇日上重屏

獨坐杉亭簇絳趺看花折簡不煩呼從無長物稱名士
雅有閒情屬固姑酒畔俳諧編作集墓堂文字積成逋
與君共喜慈顏奉未敢人前號老夫

端居風物際昇平不覺吳霜點鬢生上冢年光潛委巷
趁朝清夢入嚴城噉齏元是儒林味焚草無勞後世名
有約出郊真興劇柳花如雪愛初晴

二月十四夜同周少穆胡又乾施竹田吳敦復
汪旭瞻施北亭西湖汎月共賦四絕句

滿湖雲水溼如灰直爲桃花冒雨來已拚尋僧寺中宿
峭寒忽見晚陰開

湖上鳴鼃盡屬官青紅亭館亞層巒東風也似撩詩思

柳外吹來月一丸

水靜初鎔百頃銀
游船歸盡閉重閨
莫辭蘸甲十分飲
月地花天只七人

月下看花不肯紅
沿隄花影壓孤篷
春烟夜半生波面
髣髴青山似夢中

曉行蘓隄作二首

乍披衣起曉鴉前
月落春空柳映船
半醉半醒行藥客
不晴不雨養花天
堯時甲子今重見
唐世清明此尚傳

偷得湖邊成信宿向人誇道是頑仙

破曉招尋不待呼山烟水霧斂還無樓頭柳眼如窺宋
隄上花枝總姓蘇價重十千春易買才高八斗景難摹
惠崇小有丹青手肯爲佳游寫作圖

聖因寺大恒長老
爲作春湖月汎圖

吳山賣卜行爲許初觀作

吳山新雨道少人石龜巷古無風塵開簾忽與許子遇
白鬚蕭颯談齷齪許子才筆清而醇五經紛紛井大春
屢干春卿不得進馬磨豈療文休貧去年束裝爲客游

一言不合東諸侯著書自比習鑿齒賣卜定齊顏惡頭
我聞四千九十有六卦孤虛飛伏分成敗何妨俗子握
粟求自見名流攝衣拜入戶空占銜筆蛇夜深背癢無
人爬老夫如應枯楊象不羨長安擇壻車
時初觀有再
要意因以戲
之

陳居中蠻王入貢圖

開緘絹素凝烟霜筆跡纖妙窮豪芒七國人物在右方
嘉泰待詔蕃馬長丹邱博士官天章八分題識俗頗詳

顧瑛私印謹所藏職貢一一來梯航嬋媛四騎君袂良
非畀彌呼名女王侍兒手捧沈水香鑑井而孕何荒唐
持衰渡海不得望真臘風土文豹將蠻奴對舁乘阮囊
前導獵獵旗飛揚占城淳泥耳垂璫錦罽包裏百寶箱
負箱戕戕狒狒林裝扇飾髦眊隨侍旁臣髻髮髻獻西洋
象齒如雪閣婆鄉三佛齊致兩驕驕一匹頓塵一騰驤
此皆鬚髮深目眶向化慕義恭趨蹌復有釋子偕雁行
得非翫然與頡頏九譯之及古越裳宋德如日出扶桑

願難任人無怠荒畫史再拜陳明堂

次韻答竹田雨中見寄

一春常貰酒家錢尋壑經邱到處便閒病只憑花著莫
清愁每共雨連綿平生自信無媒徑世事從他上水船
屈指故園櫻筍會與君行樂又今年

蘇文忠公雪浪石盆銘拓本向見於馬君嶰谷
齋中曾和公雪浪石詩韻今年春曲陽孫明府
以一通遠寄復用前韻賦一篇

奇章聚石甲乙屯嗜好未若滎陽尊蘇公豈與二子類
往往手剔苔花昏定州雪浪亦何有官齋岑寂如山村
黑質白脈獻瑰狀彷彿國士登公門天風吹公落南海
誰持此石為招魂浮休居士張舜民繼公後力搜故物頽
垣根玉井芙蓉盡牽復銘字爭看屋漏痕事見墨莊漫錄我居
東南夢西北喜得墨本堪重論機泉飄灑今已矣想見
白帝朝翻盆故人惠我意不淺一紙奚啻千金存

覺範畫梅為敬身作

古來畫梅誰最好僧中獨數花光老花光衣鉢付何人
石門釋子得其真曾聞花光能畫影墨暈寒苞偏耐冷
石門畫梅兼畫月比校烘雲尤幻絕只園花瓣不安鬚
看去朧朧月如潑畫月之外更畫烟烟籠玉質難為傳
斜枝一抹忽中斷似倚孤山向晚船流落南屏定幾時
君今幸得收藏之寫作春風十分態舉似湘西瘦阿師
箇是浪子無聲詩

過張聚五齋觀王叔明為陶九成作南村圖次

卷中全思誠韻

陶公至正末養素棲田園自號小栗里曠然脫塵樊文
敏之外孫畫蹟可晤言簷端機山秀籬下谷水源著書
自抱甕爲農常叩盆修修疎竹裏欲往造其門

倪穉疇給諫庚申夏日在京師曾作城東訪友
圖并系以二絕句寄金江聲副使於上谷蓋追
寫丙申春同訪余不值事也江聲亦題二絕句
裝潢成冊穉疇癸亥奉使江南歿於太和今春

江聲歸里始得見之感歎不足如數題後

存歿人間感有餘黃門詩畫最清疎長貧孺子今猶是
當日偏多長者車

流光勿勿去難回訪友圖成事可哀水竹城東無恙在
喜君頭白早歸來

原作

杭州

倪國璉

子珍

枳籬門逕菜花初最愛城東水竹居人立板橋吟興
遠隔林何處響縑車

詩人高隱斷幽蹊菜圃三叉路欲迷看竹平生緣不
淺叩門隨處踏春泥

又

金志章

桑村藕蕩接城隈亂竹遮門晝不開一曲板橋烟水
隔緩尋芳草更裴回

十年卻埽謝公車卜築城東稱隱居知與俗人行跡
斷菜花香裏自抄書

春盡日小園木香薔薇盛開時予將有廣陵之

行

老逢花信頗流連紅素春餘特放妍一桁重陰如愛護
千枝柔蔓太狂顛郁然舶上香山子竒絕宮中錦洞天
明日扁舟吳苑路晚風猶爲舞僂僂

陸南圻招同人集行菴分詠廣陵古蹟得秋聲
館

鐵牛入宋初

陶穀小字鐵牛

頭銜祇翰苑奉使下南天蘆碧汀

洲晚水村何人居風葉稍稍偃聲翻六月秋江吞萬里

遠榜題亦雅士竟與漁兄混奈何諭強藩不盡王臣蹇

情昵社娘歌

任社娘傳見沈遼雲巢編

語隱公厨飯金鑒否人在

穀自

號金鑒否人

空畫葫蘆本不如此棲遲賓鴻識肥遯

五月二日嶰谷半槎招同人集小玲瓏山館題五

毒圖

壁上鉤搖長尾蠶

服虔通俗文蠶長尾曰蠶

守宮善緣供一噉之二

蟲者豈睚眦以氣相制理莫解爬沙腳手鈍不快皤腹
睥目觀成敗漫上青冥作妖怪空使臣仝下階拜其旁

甘帶有即且蛭雖似汝齧不如韃人須皮待汝屠

嶺表錄異

蜈蚣大者皮可鞣鼓

戾蟲眈眈中央居風林夜嘯百獸祛乃與羣

小爲相於得非以人充餌歟是名五毒圖畫俱命儔連
類陰生初疎簾高館無沮洳象形隨俗當被除演雅聊
爾同軒渠

五月十四夜紅橋王氏園看月同玉井梅泮南
圻作

王家樓子不多寬五月添衣怯晚寒樹底明蟾樹頭雨

酒人泥殺曲闌干

同作

江都

陸鍾輝

淳川

攜得清尊上小舟
滿園梅子雨初收
月斜人醉不歸去
白紵涼生水面秋

送施槃齋之官餘姚二首

愚山先生曾孫

江城初識面又送片帆過
漢縣圖經古姚墟
山水多裝

輕知砥節名重異催科
好與蠻荒政同賡里俗歌

君前宰電

白以循

吏薦

籍甚高賢後稱詩有典型清新嫻格調孤峭萃英靈行
幃穿時雨專祠拜客星東游應踐約準擬續蘭亭

元至正庚

子春劉仁本集甌越之士四十二人
於餘姚祕圖湖北作續蘭亭會詩

顧丈月田招同人南屏讓師房避暑分得葉字

僧房有嘉招銷夏幽事愜一艇溯空明風漪平帖帖宿
雲曉未收湖南秋已浹入港低水花穿林響露葉驕陽
似避人經樓曠可躡斷塔兀當窓連山遠於堞徑轉巖
陰侵堂開泉氣攝休公苦愛客蔬果紛稠疊瘦傲鳥可

詩澹續宗劉業何當爲後游更步松間屨

周少穆招同人游瑪瑙寺訪後僕夫泉分得無

字

何計足銷暑幽泉時所須同詣北山寺況有方袍俱搖
兀盪雲水蕭瑟鳴菱蘆入門氣象古松徑臨平湖芳公
遺甃在寒碧窺牆隅當年續前哲用敢告僕夫雖非孤
山舊法乳應不殊至今四百載充滿於僧廚日汲忘其
名流俗良可吁主人尚敬客一斗爲我斟烹珠兼鍊雪

頓使渴吻蕪惜哉張貞居小碣今已無淒然想清音難
覓石上枯芳洲琴名我亦山人行當斲甘腴楊家買阿對
杜老喚獠奴此策成有日不假調水符一笑且置之相
與追詩逋

初秋雨中汎湖

湖上經旬兩度過亂雲陡頓暗高荷北峯半沒南峯出
日腳斜明雨腳多豈有吳兒愁盪漿漫從漁父聽鳴蓑
誰臨潑墨屏風樣坐看秋風起白波

青溪歎

七月三日天沈沈海風吹作三日霖
黥山妖蛟最得意
夜拔潭穴漂欽崖水來青溪十丈許
鼓怒直使胥濤瘖
胥濤氣短退三舍人如白蘋蔽江下
屋材家具滿江汜
嗚呼青溪之人何辜於蒼穹人人盡
在秋夢中不知魂
游龍伯宮

中秋日陸芸軒招同人游南屏觀米南宮摩崖
琴臺字分韻

南山秋爭高彌望翠屏展陸子柘湖來招尋興不淺入
林導白足幽徑逾偃蹇斗折攀壽藤仄行仆積鮮逶迤
穿風穴潭島凡幾轉湖光似明蟾屈曲浸蒼巘舉俗重
宵游我輩及晝衍側聞米漫士題字剔蝸篆琴臺爲誰
書健筆猶可辨清音自有餘佳名非枉踐古人去已遙
得酒聊共遣

贈茅湘客七十時寓湖上昭慶寺

秋賦同時幾輩存茅君元是列仙昆百年遺事鍾山獻

一卷新詩白下門

時以金陵游草見貽中多述尊從高祖止生先生事先生姬人楊宛有詩

集名鍾山獻

壽骨自臨湖水照閒愁不傍佛燈昏相逢初地

無塵事應覺清言勝酒尊

秋晚自臯亭至臨平二首

不減看山興吾行及杪秋斜陽半郭外晴翠滿船頭林晚開黃葉波明見白鷗前峰烟際寺歷歷記曾游

將近臨平道臨平暝色連遠風燈照牽

去聲

微月斷鳴船

山憶邱丹隱泉題玉局仙不知松子落誰詠夜涼天

過破石登西山廣福院三首

魚簍菱市開秋深山似蛾眉俯碧潯我是杭民重遺愛

舍人行處一登臨

西山曰紫微以白公登此故名
公嘗云杭民呼余爲白舍人

千畦穠稔望中收海日初生爽氣浮二十六年彈指過
白頭纔得倚僧樓

顧逋翁有讀書臺白塔青林相對開佳處不教容易盡
東山留待後游來

月夜渡石湖

斗柄倒插吳江濱三萬頃外秋無垠楞伽山影混空碧
胥口月光流水銀十幅帆從天上渡一星火識蘆中人
世間囓夢那得到寒塘露下添衣頻

朱澤州鹿田招同人游寶奎寺分韻

寺爲宋相
喬行簡捨

宅有理宗摩

崖見滄二字

招攜惜短晷吟興近山發斜照巷中巷深感幽人歿

昔吳

丈志上每入城必寓此寺有句云幽
人深住巷中巷好鳥遠歸山外山

茲來盛朋游登高

見城闕鱗鱗遠峯際江影露一髮見滄閣不存崖石尚

突兀閒尋穆陵書黃葉徑凹凸僧龕文惠像練達具風
骨裛中秉魚須便殿曾備忽如聞三京收深論八陵謁
樹國先治內陛下莫倉卒胡爲復讎舉竟使南渡蹶無
兒似香山捨宅作禪窟斯人真曠懷華屋已銷歇裴回
久言旋霜空摩健鵲

新安吳長公與予有卜鄰之約將以明春攜家
武林索贈四首用舊韻

一區河曲地還餘同巷初欣有定居自比晏嬰知近市

非關王播羨臨渠名泉秀嶂兼幽躅

時長公寓
家錫山

落葉高

窓似故廬爲說西湖好烟景長竿移得昉溪漁

豪華不慕柘枝顛脫卻朝衫便是仙求友寒尋烟外驛
攜家春上渡頭船擬刪碧草通新徑待構高齋署小眠
我亦年來愛幽隱買山未辨道林錢

入春風色最天斜擗擋琴書頗足誇帶蘚旋移天竺石
和泥須買馬塍花每聽通德閒中話相伴清娛到處家
只此淨名方丈室脩然已遠輟塵譁

殘年猶遣報章聞酒國詩壇即舊勲水竹遮村無萬數
雞豚結社再三云菟羅更續城東記

予舊有城東雜記三卷

討論

應添硯北羣他日灌園徵軼事雨苗烟甲幾家分

除夕雪中讀唐撫言四首

白衣濫竄惜溫岐五十成名未是遲何事少師戎幕客
居然兩箇阿孩兒

貴人莫怪事多忘索婦留官也不妨記得冷然書內語
賣漿今又值天涼

裴頭黃尾姓名殊
怡悵長風過宋都
寄語詞人休自許
花鈿曾及半妝無

年年今夕倍情親
喫果看書剪燭頻
一事差羸隨計者
雪中不作鬻驢人



樊榭山房續集卷四

欽定四庫全書

集部

樊榭山房續集卷五

六

詳校官侍郎 臣謝墉

助教 臣常循覆勘

總校官庶吉士 臣朱 鈐

校對官編修 臣于 鼎

校對官學正 臣沈 培

謄錄監生 臣汪致基

謄錄監生 臣孫 珩

欽定四庫全書

樊榭山房續集卷五

錢塘厲鶚撰

詩戊

正月四日雪霽遊天竺寺歸訪巨公於靈隱寺
出觀宋天聖四年免賜田稅牒至晡並湖而還

得詩三首

以下
乙丑

大雪回春姿奇寒故宿留駕言遵湖漘參差縞衆皴初

陽一照耀飛光滿巖岫松門限西南咽咽幽磴漱禪棲
冰雷懸卵塔竹陰覆宿然泯垢淨瑩若增深秀焚香禮
普門合沓羣峯湊眼中銀色界可覲不可究

林巒削玉轉兩磴束一橋此中雪逾深午景停虛鏐饑
鳥啄凍石迴颿撼封條泉影鑒更白崖溜垂未消自非
能寒人難逐猿父跳主僧方外契茶話相招要示我免

稅牒重是全盛朝何如署曰貞押字集羣僚

牒有王曾
薛全陳亮

佐呂夷
簡押字

蹟存人已往不異空花飄遲遲出山路覓酒同

歸樵

山村九里行融互趾交錯松閒見積霏皎然若棲鶴湖
平碧流淨延眺清蹒蹒回首所歷境冷色晦烟壑斜日
半南山璀璨數樓閣近城氣猶凝向晚風大作微吟平
肩輿尚恨衣裘薄

元夕吳敦復招同人集瓶花齋分韻

寒氣猶遲屋角梅快晴似此亦佳哉童心忽覺燈前在
客興多從月下來舊雨沈沈思剪韭

憶去年元夕
雨中之集

新詩

藹藹續傳杯看街簾外天如水歸去誰家笑語催

汪西顥招集湖舫分賦

此日春寒撲面濃柳絲猶未試丰茸鷗鳬不動偎前浦
烟雪相和畫數峯久別詩成新雅集乍來船問舊游蹤
郭家車子斜陽外似惜芳菲特地逢

河渚探梅同南漪旭瞻蔣庭筮人作五首

千斤池

遙指秦亭翠舟輕縱所如風流非踏土浩蕩想觀魚芳

草生遺廟寒梅笑廢墟
侯芭能載酒幽興未全疎

宿蘆菴

投止蘆中宿前山澹夕陰
春風花渚響夜火佛堂深
饑獺窺禪定驚鳥助客吟
何人偏早起牀下有拏音

同作

仁和
許松
蔣庭

舟到交蘆舍春禽送夕陽
青山當佛座流水繞禪房
籬外叢篁密庭前綠萼蒼
夜來風過處幽夢帶寒香
曉過曲水菴

水北與花南精廬近可探漁舟出清旭鄰磬接空潭壞
榜猶存字晴山漸有嵐簷梅亞紅雪幸得供瞿曇

同作

許松

烏噪披衣起幽期次第尋低頭穿竹徑清話叩香林
梅古簷前亞山明屋角侵開扉尤可羨曲水滌塵心

同作

歙縣 汪還仁 笠人

侵晨尋梵放隔竹啟僧扉岸曲溪痕見林疎山氣微
茶香來坐具梅影上行衣漫作重遊計高閒不擬歸

秋雪菴贈與耆上人

老僧年八十自小住汀洲與客談秋水開窗照白頭五
年花事改四壁蘚痕留太息南湖廢空門亦隱憂

同作

歙縣 汪日煥 旭瞻

偶繫春風艇難尋秋雪詩千峯遙供養一衲古鬚眉
野竹遮橫約疎花出短籬客來閒指點空闊鷺飛時
月夜汎舟至西溪山莊

溪流凡幾曲曲曲月隨船別浦春寒淺名園夜色偏烏

驚千樹雪人語數峯烟不待參橫後臨行一惘然

西湖采蓴曲

湖波春深碧於苔游魚布影三潭隈三潭倒浸三塔小
中有蓴根不用栽蓴根歷亂蓴絲滑半捲么荷紫石髮
曉光蕩漾膩山烟夜色微茫宵水月大姑采采瓜皮舟
小姑盪槳歌中流指纖為怕龍涎失腕弱尤憐雉尾柔
春風采蓴蓴正好秋風采蓴蓴已老願如蓴好繫郎思
歸來同拜水仙祠

三月六日顧丈月田招同人鳳皇山看桃花至
包家山分韻二首

乳鳳不飛去日斜林翠高山行誇勃窣野飲鬪清豪社
火明神樹宮花冷佛袍今年少風雨春事屬吾曹

三一菴重過江天望最佳竹疎搖客夢泉冷入幽懷紅
雨尋歸路青山著小齋他年團社約應不負吳鞵

錢舜舉摹周昉內人雙陸圖為梁葑林作

深宮晏起花陰午尚覺春寒入眉嫵只將握槊當

嬉游不亂窗前白鸚鵡兩人對局如有思寶釵半
墮雲鬟敲旁觀一人凭小婢骰子欲下春蔥遲蠻
韡踏地紅鵲背金餅力挽薔薇水女官未敢促朝
妝宿粉殘黃憶濃睡睡濃曾夢雙陸輸唐家社稷
須人扶柘袍又出點籌手樂事可憐同婦姑畫師
著眼非窮相曲眉豐頰當時尚錢郎摹古能逼真
寫出徒令意怊悵豈知絕代佳人住茅屋寒機軋
軋無膏沐

晚春閒居二首

人間如有待春晚尚餘芳細路通鄰塹長天覆女牆青
梅閒青杏垂柳復垂楊坐釣行吟外渾疑與世忘
寂寂柴荆掩幽偏似我私抱疴忻白髮習嬾負清時迸
筍從穿砌狂花漫出籬一春書不讀園小日來窺

舟泊毘陵同吳長公游青山莊四首

入門先見水宛似在濠梁林影橫烟艇流文照畫廊清
華從此始崩剝勢難忘客路偏佳境尤宜勝侶將

縱步平橋上空涼得最多俯窺開弱藻交語出喬柯尚
記橫塘夢如聞子夜歌何當逢急雨來看颭新荷
升降疑無極岡巒望更寬潁陽一枝塔飛翠幾層闌樹
杪吳天盡窗中春事殘米囊花滿眼應是勸加餐

前朝邱壑擅人說兩愚公

錫山鄒彥吉為園名愚公谷
此莊初主吳服子亦號愚公

物力為山盡經營易主同客歸書閣閉鳥下石枰空游
興兼離緒分襟向晚風

十
次韻同作

歙縣

吳震生 長公

毘陵共游眺遺事滿齊梁只少山環郭誰家樹統廊
愛他園內景令我意難忘榜戶招詩侶杯鐺且莫將

主人榜門有
詩酒可共語

神仙疑有宅富貴得為多碧水延長阜紅樓隱古柯
金張天上族弦管月中歌行樂宜邱壑朝衣早翦荷
昔者東牀重延陵俛仰寬烟雲邀對酒花月入憑闌
紫玉空留主香魂恍未殘若知人代感冷食亦愁飡

莊故主吳氏宜興相婦翁也吳又有季女死
于此時時形見雖屢易姓皆祠其木主云

勝境遭鴻筆千秋幾鉅公不隨陵谷變莫謂雪泥同
塔廟涼陰集亭橋夕照空菟裘那得此惆悵一臨風

海烈婦祠迎送神曲二首

撫湘瑟薦江離靈望夫其來遲夫愚弱疑可餌矢從夫
靡有貳夫來遲逢猶狂紉上服連下裳繫朱絲猶在領
號于帝已得請乘白鳳游清都下鑒觀芬椒塗靈安坐
士女愉

酌明水靈少留靈懷土我心憂逐雲龍無處所懸水村

靈迺下乘桂舟西蠡河靈不留涕滂沱

葉物齋雅集賦一字至七字詩分得禪

禪無住忘筌隨靜坐得安眠不離文字已滿中邊話墮
霑泥絮心空透水蓮世出世間超絕想非想處悠然何
須更乞雲山衲剝動花飛結淨緣

馬嶰谷半槎招集行菴食筍限筍字

我生吳越鄉連山富簾箔前身天目僧托命惟在筍

宋僧

贊寧筍譜載天目僧詩云我本無根株只將筍為命每從破凍初一洗几案窘胸

中凌雲氣欲吐謝不敏孤帆卸淮甸清樾表春盡故人
有嘉約斜徑竹香引軒窗愛疎豁新境拓畦畛供客用
意勤籜龍屠最忍疑匡廬游甜苦未可哂物以少為
貴食經侈堪憫捫腹又詩成茶聲鼎鳴蚓

覓句廊晚步二首

近日幽尋屢出郊
竭來山館燕新巢
斜陽一抹風廊影
葵寫圓花竹寫梢

返照深深入竹根
青鞋踏徧舊苔痕
好詩只在微茫裏

付與棲禽自在喧

程泚江編修招集篠園水亭分韻

虛亭俯烟渚客到眼初明沙柳侵天影風蒲學水聲醉
宜搖櫂去詩向倚闌成地主饒幽興流連待月生

題嶰谷半槎南莊七首

青畬書屋

平遠眺林垞肥仁繞江水人云讀書聲時出豆田裏

卸帆樓

空樓晴亦雨
桐竹風披薄
飛來北固雲
帆影窗中落

庚辛檻

水氣入虛樵
幽澹心自領
魚行無所依
旁穿高柳影

春江梅信

我來過花時
紙閣綠陰碎
驚鳥蹴梅丸
忽墮小山背

君子林

彷彿西溪路
風吹綠玉香
入林深似許
新粉滿衣裳

小桐廬

零露響間砌涼陰翳微霄我欲揖桐君獨唱懷仙謠

鷗灘

小構傍雲沙岷流通滌渺待君秋雨餘同盟三品鳥

宣德窯青花脂粉箱歌次毛西河太史韻為汪

伯子作

我聞列仙寶玩碧瑤箱惟有旗人祕色可比方絕無髻
髻但精瑩花壺茗殘猶家常前朝妝具今尚在函藏帖
妥楫兩旁方池圓窻各位置泄竇似挹華清湯春風慣

見閉上苑曉月每看低繚牆曉月春風等閒擲芳姿誰
侍君王側鉛華狼藉秣陵秋脂流紫漲秦川色幾為傾
城失家弄黃金不惜蛾眉用太平天子說宣皇求賢時
發胥靡夢三楊枋國老能堪聲教曾聞暨朔南萬幾多
暇偶燕息尚官司飾呼當直小衩芙蓉十隊紅亦有朝
鮮女侍中御筆描來摺疊扇熏爐賜與合歡銅廣寒殿
影玲瓏樹晨興湏奉宸游去回眸笑語並房人舊是蕭
娘梳埽處卷簾對鏡復開箱酥滴檀心自研注傳成豔

雪和丹霞映就飛花黏落絮青姿可愛還可親饒州燒
出真超倫依稀玉鳳親承寵彷彿金匱乍作嬪明明逝
水恩叵測眉萼連娟吹不拆畫堂涿館得咿啞椒寢長
門翻咫尺咫尺梧桐墜井榦洗妝只著羽衣寒宮中決
絕皆如此故物何人想象閒慢學龍眠圖古器吳趨李
子工為記向為姜學在物
李子容山有記前姜後汪相乘除嗜好如以
蚓投魚毛公長歌劇哀麗我欲繼和應嗟歎黃巾蠶起
坤靈覆掠盡昭陽慨陵谷尋常兒女豈能銷合贈輕盈

助朝沐底處重將脂粉調吳王苑內買姪媼只今細看
交枝樣壓倒官哥汝定窯

題汪貞女卷

賢雄未匹鳳先祖侍疾初歸矢莫渝五日為期同穴定
十年不字畢生孤何妨筭菜稱來婦自信釵荆勝丈夫
佇看旌門輝里巷冬青花影雪紛敷

夏日巨公以白沙泉龍井雨前茶為貺賦詩以

謝

悠悠林臥晝偏長畏暑都無卻暑方老去參軍多叻渴
竭來禪伯與心涼泉分曉甌和雲送茗裹春旗待月嘗
今日因師聊破戒松風手瀉一甌湯

予近不飲
茶故云

碧山草堂椽筆歌

古來何人能大書官奴俊爽力有餘淋漓只用埽泥帚
埽出不怕春霑淤化城額傳裴相休以袖搵墨蛟龍道
何如汪家碧山草堂裏酒酣脫帽看尖頭睡菴老人氣
倜儻青管高提盈一丈至今森然挂東壁故物不與人

俱往藤韜漆護梭絲牢中山徒禿千兔毫想見盤旋跳
盪發絕叫驚電破硯翻雲濤長槍大劒莫相笑毛錐如
此亦足豪君不見天竺紅牆似霞起發地扶椽看五字
使後代良孫解驅使翻身使臂不使指何當直上天柱
峯千尺一波一磔當空擲山魃木客皆辟易

初秋同旭瞻蔣庭有蘭游西山作四首

坐韜光飛雨軒作

一雨暑解嚴始踐西山約初日翳復吐秋氣滿巖壑興
來歷礪阿蘚磴宛如昨入門翠陰積翻覺涼雲薄石龍
臥空池泉根此焉託坐聽丁東音終古娛寂寞領珠不
自惜天樂然疑作禪老沈聲塵為客幽茗淪

同作

許松

棋杖入淨域塵垢無纖毫竹陰翳殘暑佛香遠煩囂
石龍噴泠泠中蓄萬斛濤乍聽疑秋雷久聆訝春槽
邂逅逢勝侶款言興更豪濯纓可終老媿未解天弢

入龍泓洞中有小穴僧云是昔人采鍾乳處

今不可進

事出劉道真錢塘記

微颺貫巖腹生衣凜不勝短策探龍窟呀然走怪藤剝
中夢天壓捫壁疑雲崩盡處涌佛座指點來殘僧陰竇
不可測覽行誰復能彷彿千載前言采鵝管冰度險入
九地江底穿幾層榜聲在頭上隔石喚欲應此事道真
記祕籍如足憑奇添好事癖冷結耽詩癖九逵彌似隘
跬步愁難仍不比游大滌飛鼠侵明燈

春淙亭遇雨

山行非捷徑因雨亦窘步前峯日尚明飛灑空礪樹同
心二三子復茲不期遇

謂聞石
誠叔

橋亭憩華構目盡巖洞

趣苔滴佛螺秋雲歸客衣暮淙潺石上水導我尋微路

夜宿松靄山房

閒房駛雨過林杪挂星漢涼深欲添衣不但殘暑追蔬
盂供細食花巾奉清盥相偕靜者流共待疎鐘斷夜闌
空山黑月吐翠微半澄輝漾度戶秋影互凌亂露蟲鳴

始急坐覺歲時換人生非學佛詎免遲暮歎感此不能
眠裛回以申旦

秋日同少穆竹田敦復過報國院

釋子禪棲處城隅一徑分風池時動樹秋宇欲銷雲施
食游魚出吟詩野鳥聞何年談小品結社共諸君

題朱丈鹿田蘇門灌畦圖

人生穹壤間棲止無定境宦學便擇居何必戀閭井往
者歐陽公終日苦思潁況茲百門泉名與淇水永太行

從東來出沒幾峯嶺清冷滿山腹匯作跳珠猛分流入

綺塍不待汲脩綆所以樂土游仲平有深幸

許魯齋詩
我來蘇門

居遊
成樂土

先生詩家流出守厭造請三公付孫劉一官罷

張邴偶然泉上行光景愛妍靚遂買泉上田犁評手自

秉暇即挈茗杯樂在汎舴艋何如西子湖明鏡涵藻荇

今年故鄉歸菟裘嘿焉憬生平釣游侶詎忍棄如梗寄

公付佳兒耆舊得自領畫手想像為蒼翠善寫影夢繞

嘯臺烟秋燈照耿耿

欽定四庫全書

八月一日讓山上人招集南屏山樓看雨分韻
俯視僧樓但雲氣滿林飛雨攪秋懷平沈遠岫墨初潑
淨洗明湖鏡乍揩涼向松窗分白衲溼愁蘿徑阻青鞵
黃妃塔畔空濛裏記取炊香共午齋

采菱詞二首

青山影裏遠聞歌
罨蔓牽絲滿鏡多
儂比菱花偏背日
郎如菱葉慣隨波

鮮於蓮子冷鴻頭
船尾吹來趁晚秋
一百里中香不斷

直從鳳口下湖州

秋陰集汪抱樸城北水房分韻

一片荒雲乍有無此間亭館壓菰蒲
淡如人意不可畫涼到句邊渾欲逋
老柳沿隄烟影重殘荷覆沼墨痕枯
為憑橫玉吹教裂明日西風渡鏡湖

時子將
越游

題北嶺將軍廟二首

并序

廟在蕭山北幹山上按施宿會稽志云武佑廟舊號北
嶺將軍廟方臘陷錢塘欲東犯會稽見將軍掣金甲陳

兵於西興旗有北嶺字賊不敢渡郡守劉輅上其事賜
今額陶宗儀輟耕錄云至正丙申大旱方士陳希微禱
雨于北嶺將軍廟俄降筆云吾秦人厲狄也與項羽起
事山陰功不竟而死父老不忘我者俾血食於此爾來
幾千五百年世代雲變遂湮我姓名故以相告二書
所述如此予以乾隆乙丑秋八月同新安吳長公同里
丁敬身為越中之游過謁廟下見壁上有劉伯溫廟記
不載神姓名事蹟問之居民俱云厲將軍也陶南村之

言似信而有徵作詩以記其實云

北山棟宇自秦餘伏劒英姿尚凜如
逐鹿似聞遺恨事
止麟應有補亡書
靈旗往往驚樵牧
社酒年年福里閭
三戶到頭仍一蹶
英雄無命足欷歔

摩挲古碣郁離文
未著當年汗馬勲
松響忽吹空際語
山光乍卷陣前雲
不湏白石題神號
解使青溪靖寇氛
路歸班荆逢野老
至今猶說厲將軍

舟過覺苑寺

在蕭山城中齊江淹宅
捨為寺門有夢筆橋

越游無他營合志事幽討初程歷蕭然環堞碧秋草江
郎有故居斜日市渠抱維舟試來尋鴉鵲鬧浩浩牆隅
石幢一相對雜傭媪依稀辨垂拱阿武時所造入門兩
甌塔經始已無考猶資象教力鬼手挂傾倒睿達與溫
夫署橢尚完好教覺苑寺扁治平四年沈遼書三門江寺扁張即之書捫壁讀殘
碑元明奚足道獨有夢筆橋記者吳中老重建夢筆橋記天聖四年
葉清臣撰文最工似懼地主嘲其文特摘藻中述會昌年花宮
跡如掃僧徒盡烏巾雁齒廢行潦宣宗即牽復未琢白

石皓茂宰曰李君成梁十月早我媿詞園荒吉夢敢私
禱華髮謝貂蟬消搖破諸惱幾時買廬居名藍作鄰保
舟出偏門至禹陵遇雨

出郭逢秋晦菱絲擢幾灣幽雲生窈石靈雨下稽山屐
染重重翠衣霑淺淺斑藏書猶有穴沓靄不容攀

雨宿臥龍山僧舍分韻

越國此山古聽松占小樓清鐘不散雨破寺共吟秋漫
阻青鞵興如添白髮愁邪溪風日好試上采菱舟

雨後游叢山戒珠寺遂至怪山寶林寺

越城四面清流涵輕舫小楫如浮驂秋霖乍歇葉初下
發興便欲窮幽探城中八山首采叢君王辛苦誰能堪
橋邊不遇題扇媼石軍彌勒偏同龕棟撓瓦墮豆腐破
病僧霜髮垂鬢髻告訴頻年困水厄物力詎足營伽藍
墨池深黝覆石穴時見鄰叟汲滿甌逡巡太息下山去
龜形岫轉城東南勢若飛來尚浮動溼雲懵懂縈樛栢
登階禮拜彥公像屋底鰻井深潭潭盤迴折磴苔滑汰

絕頂撲眼來烟嵐濃青冷碧漸褰露什十五五蕪參三
餘霞忽抹天盡處倒射塔杪殷紅酣同游相與話舊事
許掾再世梁王諳太清以後亂既甚七官兄弟尋戈鏃
岳陽僅存賴黑獺江陵蕞爾古子男稱尊踐阼崇廟祀
蠟鵝稍洗維摩慙居然輟御聞婦臯都講一現仍優曇
前因不昧相輪建波旬劫內願力擔次律松下發書甕
樂全梁上開經函世間貴仕無可語吐絲往往纏春蠶
淒然歸袂薄寒襲明日更上林中籃秦稽佳處難悉數

安得隨地留茅菴

曉霽入若邪溪中逢暴漲不得至雲門而返

霽華盪輕舟亂流爭東西千峯碧於洗片月林外低今
朝可憐處真在若邪溪溪光幾曲動昏嶂相迎送雲散
一香爐苔侵三石甕不見浣紗人了非校書夢宛在畫
中行秋高景彌清素湍天際下激溜筏間鳴兒童竹裏
看知我泝沿情泝沿停兩槩樵風吹不上巖中子敬宅
松下彌陀像落日見歸禽閒心與之往

次日再汎若邪溪至平水肩輿游雲門寺二首

一作溪中吟再作溪中吟溪中有空翠日日娛人心
伊余結勝侶戀賞盈沖襟峯迴近忽遠湍減昨成今雲松

窺倒影水竹澄幽陰村市倚渡口炊烟出樹深仙源三

十六

放翁云自秦望山而北合三十六溪水為若邪溪

迢遞不可尋風鳴灘瀉

碧日射潭搖金以茲厲揭意舟師力何任遲回憶昔賢

高唱誰嗣音

繫舟在楓根石路穿畦稜秋水溢溝塍滴滴入清聽野

曠羣峯趨藍烟自包孕遠勢引台明連延接崕嶸秦望
獨孤撐香刹倚絕勝多生結淨業來禮雲門磬辨才殘
塔斷思陵鉅碑賸松堂寂無人幽花墜苔徑惟有溪橋
風吹我塵夢醒

游蘭亭

蘭渚橋邊爽氣新騎驢石路淨纖塵青山不改名常在
修竹翻憐迹未陳金谷只愁無好致選樓何必識斯人
紅牆碧澗瞻

奎畫應覺清秋勝暮春

亭有御書蘭亭序碑

汎舟鑑湖四首

秋波渺渺碧無泥
雲樹參差望不齊
喚得烏篷新艇子
好山都在鑑湖西

放翁宅外賀家莊
時有游船繫柳樁
莫學三山但成隻

阿儂最愛住湖雙

湖桑埭一名湖雙以有東南兩鑑湖也

柳姑廟俯蓼花洲
獨處無郎俗誤愁
烟縷乍消漁市散

一峯臨鏡學梳頭

柳姑廟向只女像今俗誤偶以男

露冷紅衣已卸香鏡心何處出新妝菱歌未斷西風起
八月涼於五月涼

顧丈月田挽詩二首

如此湖山要主盟纔從晚歲識先生為官落魄人皆笑
好客風流世盡傾小別何堪成永訣長留應是有詩名
一盃酌向帷堂影傷逝悲秋無限情

幾年吟賞得追陪誰道風霜兩鬢催出郭看花無一老
尋山冒雨豈重來室中靈照悲猶小門外羊曇慟不回

聞道彌留有佳句可知地下乏仙才

顧文發之前三日
尚作秋陰小集詩

有句云
外只戀君家十畝園
抓蒲水氣池塘

寄和東湖吟社鬪蟋蟀用韓孟鬪雞聯句韻

陰蟲感殺機居壁久已待為物雖爭雄於野善潛彩冷
語催緯經天時此其殆早多好勝徒搜括邱壠在尋聲
復斂步負鍤似前鋤灌穴晉陽沈跳身齊國壇羅致殊
矜奇籠中各清磊粒飽腰膂強秋深霜露改分曹小翼
輕嬌敵前茅雌勇逾螳孤撐怒比鼃三倍銳氣競磨牙

英心甘覆醢敢云飛將驍漫訝交綏餒窮追始為懾先
鳴特相紿罷鬪晷過申來觀市逢亥黃鬚竟大奇黑衣
將焉罪坐令金注昏笑看駢顏浼或羞見妻孥或喜遷
貨賄人生天壤間一粟置滄海裸蟲惟此貴力學戒無
怠胡為昆蟲嬉大事幾敗乃昔聞玉照張亭臺飾金綵
又聞明宣宗奏捷勝歸凱重之足一夔愛如獲二隗豪
家有固然輔導責元宰倡和蟋蟀篇陳義或可採

原倡

平湖

張雲錦

鐵珊

秋氣感而生養銳早相待物性本善爭人心藉得彩
燈下鳴偶然牆邊攫殊殆誰信風露中而有王孫在
奮髯堅既戟鼓翅利於鏃初焉貯冷盆旋即更爽塏
不嫌狀微陋先覺氣礮磊兩雄忽相遇一戰約難改
額廣橫金絲齒粲掀玉睢搏擊力無餘衝突勢逾倍
高足善超距弱肉將付醢卷甲趨未甘踰垣避先餒
種類頗稱繁輕重詎受紿如刺傀政神若椎鄙亥
將為知己死負亦非其罪橫草何人功登臺汗欲浼

所嗟好勝心不惜購重賄游手教搜羅客船到瀕海
四忌犯何曾再角興寧怠殺氣動無端機心暗啟乃
旌之以三花雜之以五綵同類反見戕作歌奚獻凱
仰闕罷攻秦丸泥類封隗字此屬多事吾欲問真宰
盧賦與賈經雖存詎足採

同作

平湖

鮑

詢

咸吉

促織性喜爭紛紛設壇待石產質孕剛葦化色流彩
練牙與卷鬚一犯防三殆

語見促
織經

呼燈敢厭窺聞聲

早識在鳴寒股擬金迎陽甲張鍛托跡近疎籬選地
得幽塏灌以水泠泠搜從石磊磊牙籠舊式藏瓦盆
新樣改異種赤疑斑凡品白遜醴冷煖分後先優劣
判億倍同類如仇讐甘心相菹醢置偶使不孤善養
期無餒形含詎嫌微色辨莫教給計功正當秋為月
恐近亥想彼門方酣奚啻聲其罪髯奮勢孤撐目注
汗流浼挑戰憑寸草剋期博重賄兩軍勁成敵百夫
喧沸海俄焉雌雄分負者神色怠童心殊懵然公事

竟敗乃奔逐空攢花奢侈到翦綵壯矣將留名歸歟
捷報凱託命於斯蟲如昭之尊隗長安市上豪半間
堂中宰一例等兒嬉齷齪寧足採

同作

平湖

陸銘一

紆齋

萬物以類親茲獨關相待秉性殊貪殘振羽偏光彩
雌伏肯自甘妒生那識殆疎燈照何頻冷盆看早在
偶居調絲琴獨處斂矛鏃帥陰蓄之幽迎陽更諸壇
高臺瞻巍巍廣塲爭磊磊輕重等使齊暄寒候無改

挑以庭草青辨從窗紙矐始角氣無前中休勇益倍
急擊朝始食久持夕欲醢聲從百夫喧色令一時餒
監腦伏且柔傷股遁以紿奮如再戰陵突似重圍亥
或勝而或負奚功又奚罪局內智多昏旁觀指恒浼
來笑賈客名速客泊舟來
關俗稱客蟲去飽胥吏賄怒臂螳當車
癡心鳥填海牀空資無留秋老興不怠在物已蠢然
一作爾於人復誤乃徒教箱餞金浪使竿簇綵逐逐敢憚
勞雍雍虛唱凱策勲不殊韓酬知信如隗戲不止狡

童禁還仗賢宰良士樂無荒旨哉言足採

九月晦日許繩武招集雪莊二首

巾子峯前好卜居無多樹石小林廬若添畫舫兼歌板

快雪名堂定不如

快雪堂明馮祭酒
開之湖上別業也

九月十月接天氣裏湖外湖空水烟門外晚風吹酒醒
秋容都上釣魚船

立冬日陸雲軒招集南屏讓公房看紅葉分韻
閒隨漁艇泊烟汀絳葉招人此再經十日晴光連樹醉

數峯寒影上樓青
雁來已是新霜後
僧定還同夜雨聽
最好湖心放歸櫂
斜陽有意畫南屏

冬夜泊八赤懷施自勗

一番新寒客路中
墨雲零落水天空
故人將近似江月
小艇獨眠多野風
五畝未蒙行役力
半生微有著書功
明朝相見姑胥郭
歲晚心期訝許同

小玲瓏山館對雪聯句

子月尚暄和
陳章丙夜忽淒斂
初為雨腳凍
鶚突作風色

惜寒柝聲漸沈

鈺姚世

荒燈燄頻颭撒沙響虛牖

張增

積素

耀危檻被池生蘆隅

章

枕角冷圭琰曙早起猶怯

鶚

氣嚴

出未敢庭空亂回旋

鈺世

石怪競霜點緣隙胃若塵

增

堆

檐覆成厂禽飢背難啄

章

兒戲手頻擊眯目疑復隍

鶚

失足防入坎毀荼多嬾埽

鈺世

惜竹重宜撼飄瞥竟聯聯

增紛糅方冉冉有客船阻歸

章

相與祛再摻遙思大江

白

鶚

但見同雲黯交飛射鵞鷁

鈺世

急陣灑葭茨玉峯迴

可畫

增

銀浪疊誰犯匿影閉閒齋

章

促膝探祕檢宛然

鶴延望

鶚

儼爾漁聚慘得酒歡喜生

世

開爐噤瘁減地

主獨能賢

增

羈人自多感短景憐崢嶸

章

長年抱領顙

斲冰待過淞

鶚

鼓枹擬入剡何當問郵籤

世

陽烏放朝

旦

增

看山樓雪月聯句

雪初晴月復清

鶚

氣顛肩光晶瑩

章

登層樓暢幽情

世

炙冰硯溫酒鎔

馬

澄萬象增雙明

馬

廣寒府白玉

京

鶚

竹聲瀉松影橫

章

籟既寂思已盈

世

剪殘燭戀深

更

曰

歲云晏志合并

曰

行菴雅集分詠寒事得宋子京修唐書

昔賢擅文章頗亦事豪縱太守書局隨風流只小宋雪
深椽燭燒起草蛾眉從主人如此稀不作舞腰供液金
黛墨語奇麗有時用區區王濬南輕議若聚訟

雪後同金江聲過直指菴尋韓平原閱古泉遺
跡

委菴不知山倚山構蓮宇尋幽繙舊史定是韓王府佛

閣踞池上寒藻搖翠縷有如半破月巖畔一泓吐桃坡

繚其巔歲久疑鬼斧當時勞人工用以貯歌舞

四朝聞見錄載

閱古堂有桃坡十二級今山上遺跡尚存折鼎尚包羞覆車孰禦侮文章累

詞人

陸放翁作
閱古堂記

姚冶惑遠祖

于家族譜載明州御幹子
飛公家饒于財號厲半州

娶韓平原三夫人號滿頭
花者為後妻遂以不振

同來近殘臘誰作雲岫主融

雪添波痕半瓢為酌取詎聞丞相嗔荒涼真閱古

除夕同江聲壽門堇浦歐亭諸君登吳山飲酒

樓分韻

危闌徙倚靜無譁
共惜流年赴壑蛇
山轉晴光餘半壁
渠添雪水貫千家
牽連酒伴生吟思
振觸風情上鬢華
只有故園今夕好
翩翩目極後棲鴉

正月三日同敦復旭瞻汎湖至聖因寺訪恒公

不值

以下
丙寅

開歲無事相與娛
尋僧幸有三人俱
笑披風帽上野艇
靜聽柔櫓衝烟湖
經聲出院自斷續
山影隔林時有無
筇杖定入天竺去
想見碕鶴同清癯

送桑竅甫獨為天台雁蕩之游

桑君江海人意氣頗超忽早攜銀案髭歸來臥松月開
年雪載塗山情生勃勃蠟屐告我行健似橫空鵲前身
打包僧游跡記髣髴自言昏嫁了詎使塵土汨先為豐
千訪次作矩羅謁攜影當朋儔扶杖即隸卒拜號獨往
生斯語庶非伐獨汎單鷗隨獨憩孤樹歇獨宿寒凌兢
獨行翠窻窄獨吟巖蒼響獨沐風晞髮獨眺俯鶴巢獨
飲侵龍窟天台峙東南奇秀甲於越客兒失雁蕩晚出

名馳突我有中宵夢往往凌崒岫輸君濟勝具先我結
雙韉事不婦子謀興為嵐霞發竦君銜袖詩千載期毋
沒

立春日雨中趙誠夫松江歸過訪

市橋昨夜駐吟蓬春入幽人杖履中白髮增年非我獨
閒園聽雨喜君同詩編歇浦經時客燈憶沙河舊日風
剩有南華梅信近借書貰酒鎮過從

南華君
家堂名

同竹田大恒讓山二上人由九里松入西山坐

冷泉亭作

久隔山中游妙友欣所從行行背湖色采入春烟重方袍二釋子邂逅道氣濃平橋得小憩目盡西南峯秀色

紛然來相與媚雲松中有不朽語挹之復無蹤

賈長江詩人有

不朽語得之烟山春

逶迤歷翠壑晴多斷幽涼亭影漾清泚寒碧

鑑心曾疎梅為我花芳草正丰茸徘徊拍闌干喚起澗底龍

白雲山房看梅

不知花好處直作白雲看
磬在香中度山從枝上寒
主人來亦少客子到應難
只為題詩計東風莫易殘

花朝河干草堂小集分韻

中春花信冷難齊
吟客須教取次題
故國雲山遲社燕
草堂風雨誤朝雞
河邊吹水添杯滿
樓上凭闌放艇低
頭白周郎苦相憶
避人今夜宿湖西

時少穆以七十生日避跡湖上不至

雨中許蔣庭春巖招同誠夫笠人汎舟北郭看

花二首

試問花餘幾舟游貴及時風輕搖燕尾雨細涇鵝兒紅
素霏霏暗林垆漠漠吹一峯青乍破乞取晚晴宜

村轉疑無路平生數問津花間上塘水雲裏臯亭神俗

古知栽植人間即隱淪多君好兄弟刻意此憐春

王象之與

地碑目杭州有牛
僧孺臯亭神祠記

同作

汪還仁

臯亭春事勝酒舫閱游惊花渚隨風轉雲山帶雨濃
魚爭落英去人向暮烟逢何必仙源裏纔稱物外蹤

同作

許松

緬想桃源境，臯亭彷彿同。
招朋尋曲渚，蕩槩入芳叢。
雨過山如黛，花多水盡紅。
迷津何處問，難唱綠蘿中。

閏三月三日同人集湖上續修楔效蘭亭詩體

二首

平湖重陰烟，水相借春。
餘月餞春迎，夏湖沿勝事。
莫不代謝凡我苔岑，讌娛清暇。

羣公悅衿契，布席臨芳流。
夜雨被衆綠，雲與山沈浮。
重

三復重月一唱還一酬漫言繼蘭渚興到非外求

初夏汎舟至孤山

弄晴小雨落餘飛水外西峯未夕暉滿地綠陰春去後
幽禽猶道不如歸

晚出東新闕同堇浦歐亭作

背郭乍過雨晚涼衣上侵聊為汀畔飯共作烟中吟燈
影橫橋柵人聲出樹陰相攜多舊侶幽賞得初心

題清溪寓樓

四月臨溪水清流直貫城千家翠綃舞列岫黛眉橫日
落收漁市宵分過橈聲樓高聞白苧何事不勝情

謁餘不亭侯廟辭

餘不水兮粼粼涵芳茝兮白蘋侯之封兮水濱廟食此
兮為明神龜左顧兮何之繫侯德兮民思民思兮寓象
車兩轡兮船兩旗侯山下兮欲旋風出廟兮泠然巫歌
兮雩舞隨侯來兮靈雨

游慈相寺半月泉

秀岑敷青蓮鬱然抱精廬出郭路匪遙短策破睡餘僧
廚已過午寂寥冷鐘魚蒼髯韻天風渺若太古初亭空
試一窺泉影蝕蟾蜍掬之冷沁齒碧華溢方諸映地佇
開明在山妙涵虛緬彼南礪翁早負冰清譽館甥得東萊
於此讀羣書飲水尋孔顏真樂恒晏如古人不可見落
日歸鳥疎

登吳羌山謁織簾先生祠

言尋吳羌山孤峯拔雲起齊書名吳差定復傳謠耳井

邑俯鱗鱗石路躡齒齒下有織簾居清風被閭里先生
值衰季攘歎中所鄙老惟守遺經歿但馱寒水荒祠傍
社公惜哉塵滿几茂宰初下車行將樹逸軌

謂施明府

築堂

增高明懷賢式浮靡我為歌神弦再拜執筆俟

自乾元寺至金蓮磧

茗亭望南山窈窕穿翠麓洗心有風潭空影覆羣木年
深寺亦殘飛鼠棲佛屋誰彈幽磧泉泠泠聲滿谷

施槃齋明府招集德清縣齋

寂寂重門掩幽禽見出迎蠶忙少公事更散得吟情烟
樹搖書碧溪風入酒清猶思臨宛水釣艇夕陽明

曉行臯亭道中

牽隸披衣有底忙水烟籠日共蒼涼客行十里又五里
舟過下塘還上塘驅犢岸高青嶂近護蠶門靜綠陰長
平生未了山游債處處唯聞佛土香

亡友吳繡谷墓下作

赤岸停孤艇青山對殯宮平生腹痛語今日淚痕中子

守書無失

謂臥亭

人嗟命不融凌雲埋可得地下做三公

坐安隱寺泉上

亭亭石蓮幢千載標覺路秧田鋪僧衣松蓋引客步寺
門幽且深泓泉蓄復注林光射池影下見金碧聚疑有
神物潛山鳥不敢汙我來鬪茶坐蠲熱欣所遇想見六
月中行人屢回顧

留題廣嚴寺次鮮于伯機韻

臨平山畔訪仁祠我亦經過首夏時林下追從惟野衲

門前來往但舟師護伽藍失河南像

伯機又有絕句云
褚河南是護伽藍

窄堵波空元覽碑

唐元覽法師
碑已不存

祇有僧房青竹好寥寥

懷古一題詩

景星觀尋唐邱員外丹故居

并序

予嘗讀韋蘇州邱員外丹還臨平山居詩又觀咸淳臨
安志知員外仙去至今山有黃犢嶺以嘗騎黃犢得名
有曲竹為員外遺杖所化又考陳郁話腴云行都城北
五十四里臨平湖岸有山山有景星觀觀有邱真人祠

祠有丹爐邱本唐人仕嘗為郎棄官學道於此飛昇顧
況訪之詩云五月五日日亭午獨自騎驢入山塢來到
君家不見君下驢倚杖叩君戶驚起山童開竹扉黃犬
搖尾銜人衣試問先生往何處云入山中采紫薇平明
一去今未歸引我池中看釣磯池中數箇白鷗兒見人
慣後癡不飛待君歸來君未歸卻復騎驢下翠微此詩
況集不載久思訪其遺跡今年四月三日因安隱僧心
月之導始得至所謂景星觀者殿祠東岳仁聖帝像前

有杉柏二株奇古近千年物問丹爐及真人祠所在道士
懽然不知獨門外有池水色渟碧上架小石橋疑即
況詩池中看釣磯處也裴回太息為長詩以紀事庶幾
有復其祠者

詩人成仙古寥寥邱員外今不可招斜陽照影入深塢
參差碧殿凌丹霄殿前何有有杉柏千年誰見蒼顏凋
我疑勁直經手種偶逃劫火遺山樵丹井填湮丹竈廢
光景無復浮雲歟黃冠揖客老且眊問之不辨空頭搖

只崇岱帝懾愚俗鬼炊虎獄何紛酈裴回門外覓行跡
紫屏風動空池漂鷗兒飛去不知處逋翁當日過此橋

高詞貞行已足祀遐舉況是隨烟飄

韋蘇州贈邱丹詩
高詞棄浮靡貞行

表鄉閭

何人好事塑遺像酌以明水歌雲謠歸來故鄉莫

惆悵自跨黃犢凌單椒山中秋冷桂花發往往弄月仍
吹簫

游明因尼寺

阿姨師居近鼎湖初造傳自陳黃奴向聞賜金出宮掖

千年興廢誰枝梧
頽垣古殿尚宏敞
暗篲分流水聲響
幽花閒竹隱禪房
忍草沿階叩方丈
前朝淨侶多上流
早脫愛網辭妝樓
明眸不教二相墮
幻質能將八敬修
百年主席凡幾輩
老宿無存少酬對
誰人未透末山機
何處重尋隱峯妹
今來儉薄檀施衰
粥魚寥落誦經遲
笑他洛陽急作髻
不見文殊淺畫眉
殘碑字剝苔痕綠
寺有明天順
年中胡澆碑
對此彌傷人
代速枝頭批
頰盡情啼
聲聲似奏無生曲

題驃騎將軍廟

祀楚申公包胥
封號莫詳所自

楚事蒼茫直至今何年此地出神林
豁亡始遂平吳志

員在難酬入郢心
古屋香雲晴靄靄
虛廊風馬晝悵悵

賜旛綠錦休重問
木彫山夔不敢侵

元俞琰題廟詩呼
童出示綠錦旛云

是前朝
敕賜物

雨泊桐扣二首

晚際開襟共看泉
山頭雲起野風顛
白龍潭上飛來雨

引我菰蒲夜泊船

三更雨歇冷于秋剪燭題詩劇未休
四面亂蛙聲裏坐
不知元在古杭州

樊榭山房續集卷五